

Kata Pengalo – Ngalo Ras Momo

Turang ras senina i bas Tuhanta Jesus Kristus, selaku serayan Tuhan, ikataken kami mejuah-juah ras Selamat Wari Minggu man banta kerina. Man bandu kekelengen kami si sekali enda denga erkebaktin i bas gerejanta enda, ikataken kami mejuah-juah. Kerehenndu nambahi keriahen man banta kerina. I bas bena kebaktinta mari dage sidengkehken momo kerna perdalanan perpulungen Tuhan, bage pe rencana pelayanen gerejanta ku bas wari-wari si reh enda ([Ngogeken Momo](#)).

Kata Penaruh

=====

Turang ras senina, ermengkah ukurta dengen sikataken bujur man Tuhan si erkeleng ate mereken kegeluhen dengen nepa kita tudu ras tempasNa, mulia dengen mehaga. I bas si e, Dibata ndilo manusia ertanggungjawab njagai kemulian ras kinihagan Dibata i bas dirina ras kerina temanna manusia. Emaka i bas minggu Hak Azasi Manusia (HAM) enda, ibabai kita guna sedar maka kita kerina eme manusia si meherga i adep-adepen Dibata.

Erkata Lonceng

(Perp. Tedis)

Rende

KEE No. 310 : 1, 2

(Serayan Kebaktin Bengket Ku Mimbar)

Kebaktin Minggu, 30 Juni 2024

Minggu V Kenca Trinitatis / Minggu Ngergaken Hak Azasi Manusia

3	Votum – Salam <i>(Perp. Tedis)</i>
L	I bas gelar Dibata Bapa si njadiken manusia sentudu ras tempasNa, i bas gelar Jesus Kristus si ngergaken manusia alu mereken DiriNa, ras i bas gelar Kesah Si Badia si mpengasup manusia ngergaken dirina ras temanna manusia. Perkuah ate ras dame i bas Dibata Bapa, AnakNa Jesus Kristus, ras i bas kerembaken Kesah Si Badia ras kita kerina gelah. Amin.
P	Amin Amin Amin <i>(iendeken)</i>
4	Berita Kerna Sura-Sura Ras Perbahanen Dibata (Invocatio)
L	“O kam si kukelengi, sikeleng-kelengenlah kita, sabap kekelengen e rehna i bas Dibata nari kap. Kalak si erkeleng ate, anak Dibata kap ia janah itandaina Dibata” (1 Johanes 4 : 7). Erpalasken Kata Dibata enda, sipuji IA alu radu ras kita ngendeken : KEE No. 177 : 1, 2, 3
5	Pujin Man Dibata si Mada Kuasa (Masmur 8 : 1 – 7) <i>(Perp. Kundul)</i>
L	O TUHAN, Tuhan kami, kemuliaNdu teridah i belang-belang doni. Seh kudas Surga Kam terpuji;
P	danak-danak ras si gara-gara rende muji Kam. KinirajanNdu nteguh la terundu, imbang si ngelawan Kam isompelNdu babahna.
L	Adi kutare ku langit tinepaNdu, kuidah bulan ras bintang-bintang si itamakenNdu i bas inganna.
P	Kai kin manusia e, maka ingetNdu ia? Manusia kap ngenca, ngkai maka ipekena-kenaNdu ka ia?
L	IbahanNdu ia teruhen asangken Kam ngenca, itangkuhkenNdu ia alu kemuliaan ras kehamaten.

P	ItangkuhkenNdu ia jadi raja, merentah kerina tinepaNdu kerina itamakanNdu ku tapak-tapak naheNdu.
L	Tole nari sipuji Tuhan alu ngendeken : KEE No. 368 : 1, 2, 3
6	Pengakun Dosa
L	Turang ras senina, bage ulina rencana Dibata i bas njadiken kita mulia dengen mehaga, gelah kita jadi temanNa njagai ras ngergaken kegeluhen. Si sedari nge maka bage kal ulina sura-sura Dibata i bas geluhta ?
P	Ngaku kami Tuhan, maka gatin nge labo isedari kami, maka geluh kami meharga i adep-adepenNdu. Lanai dalanken kami sura-suraNdu guna njagai ras ngergaken kegeluhen. Emaka lanai idah doni enda pendahinNdu i bas geluh kami.
L	I bas Dibata ngergaken sinasa lit alu mehuli dengen mulia, kuga nge ndia kita i bas ngergaken temanta manusia dengen njagai tinepaNa si deban ?
P	Ngaku kami o Tuhan, maka kurang kami ngergaken kemulianNdu si lit i bas diri teman kami bage pe tinepaNdu sideban. Seh maka kami lanai mediate dengen nggeluh erbana-bana.
L	Mari dage tole siakuken salah lepakta man Dibata i bas paksa Teneng :
	<i>(Paksa Teneng)</i>
L	Mari tole si akuken salah lepakta man Dibata arah ende-endenta : KEE No. 76 : 1, 2, 3
7	Berita Pengalemi Dosa <i>(Perp. Tedis)</i>
L	Tuhan e perkuah dengen perkeleng kap, la pedas IA merawa, dengen dem alu keleng ate si tetap. Labo kita iukumNa sue ras dosanta, labo IA erbalas man banta sue ras kesalahenta. Emaka, selaku persuruhan Dibata aku nehken kataNa man bandu kerina si ngakuken dosa ras kesalahenna, dengen jera i bas dosa ras kesalahenta nari :

	<p><i>“bali ras ganjangna langit i babo doni nari, bage kal me belinna keleng ateNa man kalak si erkemalangen baNa. Bagi dauhna Timur i Barat nari, bage me ipedauhNa dosa-dosanta i bas kita nari. Bagi keleng ate bapa man anak-anakna, bage kal me pengkelengi Dibata kalak si erkemalangen man baNa”</i> (Masmur 103 : 8 – 13).</p> <p>Meriah ukurta erkiteken dosanta enggo ialemi, sipuji IA arah : KEE No. 454 : 1, 2, 3</p>
8	<p>Kata Dibata <i>(Perp. Kundul)</i></p>
a	<p>Marilah sibegiken Kata Dibata si man ogenken ibas Minggu enda sini ibuat ibas Kitab Bilangan 27 : 1 - 11. Mari siogeken secara pegancih. Sibenaken pengogenta</p> <p style="text-align: center;"><u>Anak-anak Selapehat si diberu</u></p> <p>27:1 L Mahlah, Nuah, Hogelah, Milkah, ras Tirsah e me anak-anak si diberu i bas Selapehat anak Heper, anak Gileat, anak Mahir, anak Manase, anak Jusup.</p> <p>27:2 P Lawes ia ngadap Musa, Imam Eleasar, peminpin-peminpin Israel, ras kerina perpulungen e i bas dalam bengket ku bas Kemah Perjumpaan, jenari nina,</p> <p>27:3 L “Bapa kami enggo mate i bas taneh si mesawang alu la nadingken anak dilaki sada pe. Ia labo nai pengikut Korah, si nimbak TUHAN; ia mate erkite-kiteken dosana jine.</p> <p>27:4 P Adi erkite-kiteken la lit anakna dilaki nge, ngkai maka gelar bapa kami arus masap i bas Israel nari? Berekenlah man kami taneh i bas bagin kade-kade bapa kami.”</p> <p>27:5 L Persoalan enda isehken Musa man TUHAN,</p> <p>27:6 P jenari nina TUHAN man bana,</p> <p>27:7 “Payo nge pemindon anak-anak si diberu Selapehat; berekenlah</p>

L	man bana taneh i bas bagin kade-kade bapana. Berelah erta-erta tenading bapana nusur man bana kerina.
27:8 P	Kataken man bangsa Israel maka adi lit sekalak dilaki mate alu la nadingken anak dilaki, anakna si diberu arus ngaloken erta-erta tenadingna.
27:9 L	Adi anakna si diberu pe la lit, senina-seninana si ngalokenca.
27:10 P	Adi senina-seninana pe la lit, senina bapana si ngaloken tading-tadingen e.
27:11 L	Adi la lit seninana ntah pe senina bapana, e maka kade-kadena si ndeherna si ngaloken tading-tadingenna e, janah njemaksa bagi ertana jine.” Bangsa Israel arus ngaloken si enda jadi sada ketetapan undang-undang sue ras si enggo ipedahken TUHAN man Musa.
	<p>Ketuahen kalak si megiken Kata Dibata, dengen si makekenca i bas geluhna si teptep wari, Haleluya.</p> <p>Ialoi perpulungen alu ngendeken :</p> <p style="text-align: center;"><i>Haleluya</i></p> <p style="text-align: center;"><i>Haleluya</i></p> <p style="text-align: center;"><i>Haleluya</i></p>

b	Ertoto guna Khotbah
c	Khotbah : <i>Kolose 3 : 5 - 11.</i> Tema : <i>“Ersada ras Kerinana”</i>
d	Ertoto kenca khotbah
9	Pengakun Kiniteken <i>(Perp. Tedis)</i>
	<p>Aku tek man Dibata Bapa si la ersibar kuasaNa, si nepa langit ras doni.</p> <p>Aku tek man Yesus Kristus anakNa si Tonggal Tuhanta, si jadi arah Kesah si Badia, tubuh i dur singuda-nguda nari si so keliamen, tergelar si Maria, si ngenanami kiniseran sangana pemerintahen Pontius Pilatus, nipakuken ku kayu persilang, mate je nari ikuburken, nusur ku doni kematen, peteluwariken enggo keke ibas si mate nari, nangkih ku surga, perkundulna arah kemuhen Dibata Bapa si la ersibar KuasaNa, je nari reh me IA pagi ngeranaken si nggeluh ras si enggo mate.</p> <p>Aku tek man Kesah si Badia, janah lit sada Gereja si Badia, persadan kalak si Badia, pengalemi dosa, kinikeken kula, kegeluhen si rasa lalap.</p> <p>Amin.</p>
10	Persembahen <i>(Perp. Kundul)</i>
L	<p>Dibata enggo nepa kita mulia dengen mehaga, mari dage sisehken pengataken bujurta man Dibata arah persembahenta, Kata Dibata si jadi palas i bas kita nehken persembahenta :</p> <p><i>“O senina-seninangku, nginget perkuah ate Dibata si mbelin si isehkenNa man banta, kupindo man bandu: Endeskenlah kulandu man Dibata saja selaku persembahen si nggeluh rikutken si ngena ateNa. Sabap bage me arusna kam ersembah man Dibata sue ras biakndu selaku mahluk si rukur” (Roma 12 : 1).</i></p> <p>Iherta ngendesken persembahen sipuji Tuhan arah :</p> <p>KEE No. 315 : 1, 2, 3, 4</p> <p>Pertoton Persembahen ras Syafaat</p> <p>KEE No. 420 : 1, 2, 3 <i>(Kolekte Extra untuk Piara)</i></p>

11	Perpadanen Man Dibata <i>(Perp. Tedis)</i>
L	Turang ras senina, Nina Dibata i bas Kitab Jesaya 42 : 6 <i>“Aku, TUHAN, enggo ndilo kam lako ndalanken sura-surangKu. Kutegu-tegu janah Kukawali kam. Arah kam Kubahan perpadanen ras kerina bangsa, arah kam Kubereken terang man bangsa-bangsa.</i>
P	Alu gegeh i bas Dibata nari, erpadan aku ngergaken kerina temanku manusia radu ras tinepaNdu sideban.
L	Dibata tetap kap erdahin guna mpelimbarui kegeluhenta manusia radu ras tinepaNa sideban.
P	Erpadan aku Tuhan, tetap njaga ras empelimbarui kehamatenku nandangi kerina temanku ras tinepanNdu sideban
L	Dibata tetap ersura-sura makeken kita jadi perkakasNa guna nehken keleng ateNa man kerina manusia.
P	Ijenda aku Tuhan, suruhlah aku nehken kekelengenNdu, maba dame ras ndalanken kebujuren.
L	Sipepaguhi perpadanenta arah ende-endenta : KEE No. 425 : 1, 2, 3
12	Pertoton Tuhan
13	Pengutusen Ras Pasu-Pasu Dibata
L	Kekelengen ni Tuhan, berkatlah ndalani geluhndu si meherga i adep-adepen Dibata alu tetap ngergaken kerina tinepaNa. Guna jadi gegehndu, alokenlah pasu-pasu idur Dibata nari : <i>“Ipasu-pasu janah dikawali Dibata kam, Siang ayo Dibata ersinalsal ibabondu, janah melias ateNa ngenehen kam. Itatap Dibata ku kam, janah malem atendu ibahanNa” Amin.</i>
	Ialoi perpulungen alu ngendeken : A..min A....min Amin
	<i>SELAMAT HARI MINGGU/SYALOOM.....</i>